

SA's Leading Past Year

Exam Paper Portal



You have Downloaded, yet Another Great  
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



SA EXAM  
PAPERS



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**IGREYIDI 12**

**ISINDEBELE ILIMI LOKUTHOMA LOKUNGEZELELA (FAL)**

**IPHEPHA LESIBILI (P2)**

**FEBHERIBARI/MATJHI 2011**

**IMITLOMELO: 70**

**ISIKHATHI: ama-iri ama-2**

**Iphepheli linamakhasi ali-15.**

## YELELA

1. Umfundi kufanele afunde ikhaseli ngokukhulu ukuyelela ngaphambi kobana aphenzule imibuzo.
2. Ungalingi ukufunda iphepha lemibuzo loke. Qala ikhasi lokumumethweko elisekhasini elilandelako bese utshwaya iinomboro zemibuzo ebuzweko ngeencwadi ozifundileko kilomnyaka. Ngemuva kwalapho, funda imibuzo le bese ukhetha leyo ofisa ukuyiphendula.
3. Iphepheli LINEENGABA EZINTATHU:  
  
ISIGABA A: Inovela (35)  
ISIGABA B: Iindaba ezifitjhani (35)  
ISIGABA C: Iinkondlo (35)
4. Landela imiyalo onikelwe yona ekuthomeni kwaleso naleso sigaba ngokuyelela okukhulu.
5. Phendula IMIBUZO EMIBILI seiyoke, MUNYE umbuzo KINOFANA ngiziphi iingaba EZIMBILI.
  - PHENDULA UMBUZO MUNYE KUSIGABA A
  - PHENDULA UMBUZO MUNYE KUSIGABA B
  - UKATELELEKILE UKUPHENDULA NANYANA NGIYIPHI IMIBUZO EMIBILI KUSIGABA C
6. Sebenzisa irhelo lokuhlola ukuqinisekisa bona yoke imibuzo uyiphendulile.
7. Tlola iinomboro zeempendulo njengombana zinjalo ephepheni lemibuzo.
8. Thoma isigaba ESINYE NESINYE ekhasini ELITJHA.
9. Isikhathi esiphakanyisiweko sokuphendula iingaba: Thatha okungenani imizuzu ema-60 kesinye nesinye isigaba.

# IKHASI LETHEYIBULA LOKUMUMETHWEKO:

Ikhaseli lizokusiza abafundi kobana bakhethe imibuzo ebafisa ukuphendula ngayo ngaphandle kokufunda iphepha loke lemibuzo.

|                                                  |                              |                   |
|--------------------------------------------------|------------------------------|-------------------|
| <b>ISIGABA A: INOVELA</b>                        |                              |                   |
| <b>Phendula NOFANA ngiwuphi umbuzo OWODWA.</b>   |                              |                   |
| <b>INOMBORO YOMBUZO</b>                          | <b>UMBUZO</b>                | <b>IMITLOMELO</b> |
| 1. <i>UBonakele</i>                              | Umbuzo omude                 | 35                |
| <b>NOFANA</b>                                    |                              |                   |
| 2. <i>UBonakele</i>                              | Umbuzo onemibuzo emifitjhani | 35                |
| <b>ISIGABA B: IINDABA EZIFITJHANI</b>            |                              |                   |
| <b>Phendula NOFANA NGIWUPHI umbuzo OWODWA.</b>   |                              |                   |
| 3. <i>UZangenzani</i>                            | Umbuzo omude                 | 35                |
| <b>NOFANA</b>                                    |                              |                   |
| 4. <i>UZangenzani</i>                            | Umbuzo onemibuzo emifitjhani | 35                |
| <b>ISIGABA C: IINKONDLO</b>                      |                              |                   |
| <b>Phendula NOFANA ngiyiphi imibuzo EMIBILI.</b> |                              |                   |
| 5. 'Ithabo Likuphi'                              | Umbuzo onemibuzo emifitjhani | 17½               |
| <b>NOFANA</b>                                    |                              |                   |
| 6. 'Umona'                                       | Umbuzo onemibuzo emifitjhani | 17½               |
| <b>NOFANA</b>                                    |                              |                   |
| 7. 'Uyangen' Umlobokazi'                         | Umbuzo onemibuzo emifitjhani | 17½               |
| <b>NOFANA</b>                                    |                              |                   |
| 8. 'Erholweni<br>Lakonomtjherhelo'               | Umbuzo onemibuzo emifitjhani | 17½               |

## IRHELO LOKUQINISEKISA

Tlola itshwayo (✓) erhelweni lokuqinisekisa elilandelako ukuhlola bona uphendule yoke imibuzo elindelekileko.

| ISIGABA           | IINOMBORO<br>ZEMIBUZO | INANI LEEMIBUZO<br>EZOKUPHENDULWA | ITSHWAYO |
|-------------------|-----------------------|-----------------------------------|----------|
| <b>ISIGABA A:</b> |                       | <b>1</b>                          |          |
| UMBUZO 1          | 1                     |                                   |          |
| UMBUZO 2          | 2.1 – 2.2.9           |                                   |          |
| <b>ISIGABA B:</b> |                       | <b>1</b>                          |          |
| UMBUZO 3          | 3                     |                                   |          |
| UMBUZO 4          | 4.1 – 4.2.9           |                                   |          |
| <b>ISIGABA C:</b> |                       | <b>2</b>                          |          |
| UMBUZO 5          | 5.1 – 5.5             |                                   |          |
| UMBUZO 6          | 6.1 – 6.7             |                                   |          |
| UMBUZO 7          | 7.1 – 7.8             |                                   |          |
| UMBUZO 8          | 8.1 – 8.8             |                                   |          |

## ISIGABA A: INOVELA

Phendula umbuzo OWODWA kwaphela kilesisigaba (UMBUZO 1 nofana UMBUZO 2)

### UMBUZO 1: *UBONAKELE* – M Sikosana

Hlathulula ngokuvezwa kwabalingisi abalandelako uveze nokuthi ingabe izenzo nanyana ukwenza kwabo kuyakholeka na? Inani lamagama alingadluli kwali-190 ukuya kwama-240.

UBonakele  
UNaSilombo  
UMahlangu  
UNaMndebele  
NoBafunani

[35]

### NOFANA

### UMBUZO 2: *UBONAKELE* – M Sikosana

2.1 Fundisisa isiqetjhana esilandelako bese uphendula imibuzo.

Umcabango wokobana uBonakele atjiye ikwabo noyise aziphe inarha njengonina awumsukeli, uziphe amandla.

"Ubaba kufanele athokoze khulu ngombana nakhu namhlanjesi sengifundile bengafika ebangeni lesibili, kunjalo nje sengineminyaka elitjumi nambili ubudala. Ye-ke koke lokhu kutjho khona bonyana angisesemntwana omncani ongabhalelwa kuziphilisa ngombana vele nalapha ngakwethu ngiyaziphilisa. Akekho umuntu ongitjhejako koke lokho kungifundisa bona ngikwazi ukuziphatha ngokwami."

UBonakele ucabanga koke lokhu nje, ubuya esikolweni uya ngakwabo, "Ngizakusuka lapha kwethu ngiziphe inarha ngombana umma kaBafunani mvanje sele eza ngamalalo lapha kimi. Sele angenza isiratjhana sakhe." Ngitjho nomuntu ophambana noBonakele, bekangazibonela angakabuzi nokubuza bonyana yikulu into egoma uBonakele ngehliziyweni ngombana iinyembezi khabe zehla zehlile kodwana azesule msinyazana ngombana angathandi bona abantu babone bonyana uyalila ngehliziywenakhe.

- |       |                                                                                 |     |
|-------|---------------------------------------------------------------------------------|-----|
| 2.1.1 | Bekafunda liphi ibanga uBonakele?                                               | (1) |
| 2.1.2 | Bekaneminyaka emingaki uBonakele?                                               | (1) |
| 2.1.3 | Yini eyayibangela bona uBonakele acabange ukuzipha inarha?                      | (1) |
| 2.1.4 | Ngokuya ngesiqetjhanesi, yini ekufuze uyise kaBonakele ayithokoze, ngoBonakele? | (1) |
| 2.1.5 | Bekabonakala ngani uBonakele bona kunento emtshwenyako ehliziywenakhe?          | (2) |

- 2.1.6 Khuyini okusivezela bona uBonakele bekangasesemntwana omncani? (2)
- 2.1.7 Ukuya ngesiqetjhana esingehla, yini into uBonakele ayifundileko ngokuziphilisa ngokwakhe? (2)
- 2.1.8 Tlola OKUBILI okwenza uBonakele aziphe inarha. (2)

2.2 Fundisisa isiqetjhana esingenzasi bese uphendula imibuzo.

Ngelinye ilanga uBonakele asazihlalele emthunzini ngesitetjhini nebhoksana lakhe lama-abhula awathengisako "E ... mabili ...!" Kwatjho uNduku ngokukhulu ukudelela. "Ngithi mabili ...!" Watjho wamphosela iranda lesimbi. UBonakele azange alidobhe.

"Sewulibele bonyana wafikela ezandleni zethu, sakuphatha kuhle, sakuhlakaniphisa. Namhlanjesi sewuzibona ukuba ngcono?" Watjho njalo wayidobha imalakhe wayifaka ngesikhwameni. UBonakele azange awuvule wakhe umlomo, wathula wamqala nje. Khonokho kwavela uSponono, umkhozi kaNduku, naye azange asabuza. Wavele wakhwela wazehlala lapha kuBonakele. UBonakele azange abaphendule.

UBonakele bekanganaso isikhathi sokudlala ngamathuba nakavelako. Wazimisela ngawo woke amandla anawo bona naye abe ngomunye wabantu abaziwako emdlalweni weendubulo. Indaba yepi phakathi kukaBonakele nesokana le-Amerika, uDuke Hudson, yase idume khulu kiyoyoke inarha, noyise kaBonakele, uMahlangu, besele ayizwile ngendlebe eyodwa.

- 2.2.1 Ngikuphi okusesiqetjhaneni okutjengisa bona uNduku umumuntu odelelako? (2)
- 2.2.2 Kubayini uBonakele asuke le kwabo, eSiyabuswa? (2)
- 2.2.3 Ngokubona kwakho, uNaSilombo ungumma onjani? (2)
- 2.2.4 Nangathana bewunguMahlangu bewungenzani ngoNaSilombo? (2)
- 2.2.5 UBonakele uvezwe amsanyana ohlakaniphileko. Uthini ngalombono? (2)
- 2.2.6 Ngokubona kwakho ngibuphi ubudisi obubakhona lokha umntwana nakangahlali nabazali abambelethako. Tlola iphuzu ELILODWA. (2)
- 2.2.7 Ngokubona kwakho, ingabe isiquntu esithethwe nguBonakele sokuthi, akhambe kwabo kuyinto ehle na? Tlola iphuzu ELILODWA. (2)
- 2.2.8 Ingabe kulungile bona uMahlangu asukele umkakhe uNasilombo ayokufunana noNaMndebele? Sekela ipendulwakho. (3)
- 2.2.9 Ngikuphi okutjengisa bona uBonakele gade angadlali ngamathuba? Sekela ngamaphuzu AMATHATHU. (6)

[35]

## ISIGABA B: IINDABA EZIFITJHANI

Phendula umbuzo OWODWA kilesisigaba (UMBUZO 3 nofana UMBUZO 4).

### UMBUZO 3: *UZANGENZANI* – DM Jiyane nabanye

#### Uzangenzani?

Rhumutjha umlayezo wendatjana le, uveze nokuthi umtloli uphumelele kangangani ukukhetha abalingisi abafaneleko ukusethulela umlayezo onembako. Inani lamagama alingadluli kwama-90 ukuya kwama-240.

[35]

## NOFANA

### UMBUZO 4: *UZANGENZANI* – DM Jiyane nabanye

#### Ukukhamba Kubona

4.1 Fundisisa isiqetjhana esilandelako bese uphendula imibuzo.

Kodwana indawo yeMgababa yabingasinjalo nokho ngombana bekuyindawo lapha ungekhe wabona ngitjho nepholisa leli. Kanti okuthabisako kwakuvama ukuba neenkolo ezihlukeneko zilethe abantwana ukuzokuphola. UMatjhiyana wafika ngeveke yokuphela kwenyanga azimisele ukuphumula iveke tomu akhe aphumule ibhizinisi lakhe. Watheleka ntambama, watlolisa indawo yokulala wabeka iimpahla zakhe. Waphumela ngaphandle aphele umtlo-ncwadi wokumlibazisa. Nambala wawuzwa umoya opholileko ovela elwandle. Wazizwa umzimbakhe utlharuluka nengqondo iphola kamnanjana.

Walibona ilanga langeLesihlanu seliyokutjhunga. Ubona ngabantu baphethe imithwadelana kungekho othini komunye. Kwathi kungatjhunga ilanga, wabona bonyana angathi ukubhambalala ngekamereni lakhe. Athi ukulilotjhisana nangabe kukhona iintsikizi akwazi ukuzizwa kusakhanya. Nambala omdala wathi ukubhambalala eengutjeni ezinuka kamnandi wazimisela ukuthatha amalanga amabili abe selwandle athi ukupholisa umzimba. Nambala omdala wenza njengesifiso sakhe, wazipha ilanga langoMvulo wangaphuma.

- 4.1.1 Ukuya ngesiqetjhana esingehla begade avakatjhele kuphi uMatjhiyana? (1)
- 4.1.2 Wayezilibazisa ngani uMatjhiyana? (1)
- 4.1.3 Bekazimisele ukuphumula isikhathi esingangani uMatjhiyana? (1)
- 4.1.4 Yitjho bona **Liqiniso** namkha **Akusilo iqiniso** bona indawo ekukhulunywa ngayo le beyinabotsotsi. (2)

- 4.1.5 Bobani ebegade bavakatjhela indawo ekukhulunywa ngayo esiqetjhaneni. (1)
- 4.1.6 Ukuya ngendatjana yesihloko esithi, "Ukukhamba Kubona", uMatjhiyana uvezwe amumuntu onjani? (2)
- 4.1.7 Kuqakatheke ngani ukuya ekuphumuleni nomndeni wakho na? Ipendulwakho ayibe mumutjho. (2)
- 4.1.8 Ingabe kuliqiniso bonyana uMgababa bekuyindawo encani begodu ongakhamba kiyo nanyana kungasiphi isikhathi? **Vuma** namkha **uphikise** bese usekela ngephuzu ELILODWA. (3)
- 4.1.9 Esiqetjaneni esingehla dzubhula amagama atjengisa bona ngambala uMatjhiyana bekazimisele ukuphumula. (2)

4.2 Fundisisa isiqetjhana esilandelako bese uphendula imibuzo.

Wagijima njalo ezwa ihlombe lakhe langesinceleni lithola amakhaza kodwana isikhathi sokuphatha ezwe singasekho. Kwakhe kwaba kukobana ungena nini ngekamereni lakhe aphumule. UMatjhiyana akasezwa ngitjho nokutswitswiza kwesifuba sakhe ngebanga lokwethuka. Wanela ukungena ngekamerweni lakhe amanzi ehla njalo angena ngebhrugwini waya esibonibonini, wabona bonyana ziingazi. Kumkhanyeke bonyana iinrwerwe ziqabule ngaye namhlanje, abethe umrhala abize besizo lokuthoma elingaphakathi emabaleni weMgababa.

Akhange bathathe isikhathi eside bangena baphelela ngamakhathakhatha wabo wamanceba. Balihlanza msinya inceba lakhe benzela bonyana angaphumi iingazi ezinengi, bebalithunga. Walala angakalali mhlankho acabanga lokho okwamvelelako. Okumrara khulu kukobana azange ahlatjwa ngomukhwa asakhula. Kodwana namhlanje uhlatjwa aliqhegu elingaka. Kukhulu okuzakumehlela kungcono agoduke.

Kwathi kusa langeLesine, indlela yaziwa nguye wathi angangena ngebhesini wakhetha indawo yangemuva khona azakubabona kuhle boke abantu abakhona.

- 4.2.1 Yini eyalimaza uMatjhiyana kangako? (2)
- 4.2.2 Tlola elinye igama elitholakala esiqetjhaneni elitjho abotsotsi. (1)
- 4.2.3 Wasizeka njani uMatjhiyana ngenceba elaliphuma iingazi? Tlola amaphuzu AMABILI. (4)
- 4.2.4 Ibizo lomlingisi onguBhova likhambelana njani nezenzo zakhe endatjaneni yesihloko esithi, "Ukukhamba kubona". (2)
- 4.2.5 Tlola isifundo esitholakala endatjaneni yesihloko esithi, "Ukukhamba kubona". Ipendulwakho ayibe mimida EMIBILI. (4)

- 4.2.6 Ngikuphi okungazange kwehlakalele uMatjhiyana nakasakhulako? (1)
- 4.2.7 Ucabanga bona kulungile na ukukhamba ebusuku enarheni ongayaziko? (2)
- 4.2.8 Ukuya ngendatjana ethi, "Ukukhamba kubona" uMatjhiyana uvezwe njengomuntu ongatlhagiko. **Vuma** namtjhana **uphike** bese usekela ipendulwakho ngamaphuzu AMABILI. (3)
- 4.2.9 Ukuya ngokwesiqetjhana esingehla, bekubangelwa yini bona isifuba sakaMatjhiyana sibe nokutswitswiza? (1)
- [35]

**IMITLOMELO YESIGABA B: 35**

## ISIGABA C: IINKONDLO

Kilesisigaba phendula imibuzo EMIBILI kwaphela.

### UMBUZO 5

Funda ikondlo elandelako bese uphendula imibuzo.

#### Ithabo likuphi – JN Malobola

- 1 Ithabo likuphi?
- 2 Barhuwelela babhibhidlh'igwebu,
- 3 Bath' iKos' ikhona:
- 4 Baphephile babulungekile.
- 5 Maye, iinhliziyi lidwala,
- 6 Manwabu welanga nobusuku,
- 7 Badlal'umdlalo wokuphila
- 8 Ukufa kubaqalile.
- 9 Mina bengithi baqalile bayabona,
- 10 Mina bengithi bayaya
- 11 Kanti bayabuya,
- 12 Babuya basithi bayaya,
- 13 Emini baz' umakghokgho ikukufa,
- 14 Latjhingana ngumlamuleli wezifo,
- 15 Latjhingana, ikosi nguyi.
- 16 Pepe-pepe-pepe-pepe ...!
- 17 Pepeza makghokgho beze kuwe,
- 18 Bathukule, barhayi ubafuthe,
- 19 Basale batshetlha njengomlotha,
- 20 Bakwaz' ukutjho bona iKos' ikhona.
- 21 Batjho bayifulathele,
- 22 IKosi kunguwe makghokgho;
- 23 Mina ngidanile.
- 24 Mina bengith'iKosi inabo,
- 25 Nabo batjho njalo banjengeengilozi,
- 26 Kghani kunjalo?
- 27 Batjho basikhohlisa bathi bayazi,
- 28 Do, abakwaziko kungazi,
- 29 Kungazi iKosi nomkhanyo wayo.
- 30 Ngikhanuka isango laphetjheya
- 31 Livuleke ngeyamele kibobamkhulu,
- 32 Ngikhohlwe ngamakholwa anzinyana,
- 33 Ukukhuza akusizi,
- 34 Ukuratharatha lilize,
- 35 Amakholwa ayakholwa.

36 Ithabo likuphi?  
37 Ngikhanuka ukulalela umlalelafuthi,  
38 Akusizi iinsizi ziyangidisela,  
38 Ipilo inzima sabusuku, ngidanile;  
40 Bayaphi abaleleko?  
41 Abungithathe ubuthongo ngilale.

- 5.1 Ngibuphi ubuthongo umtlozi afuna ukuthi bumthathe alale? (1)
- 5.2 Bubizwani ubukondlo obutholakala emdeni we-12 ekondlweni engehla? Sekela ipendulwakho. (2½)
- 5.3 Tlola iinthombe-ngqondo ezimumethwe mimida elandelako.
- 5.3.1 Umuda wesi-2 (1)
- 5.3.2 Umuda wesi-5 (1)
- 5.3.3 Umuda wesi-6 (1)
- 5.3.4 Umuda we-19 (1)
- 5.3.5 Umuda wama-24 (1)
- 5.4 Hlathulula okutjihiwo yikondlo le. Tlola amaphuzu asekelweko. (4)
- 5.5 Hlathulula ummoya wekondlo le, usekele ngokudzubhula imitjho EMIBILI ekondlweni le. (5)  
[17½]

## NOFANA

### UMBUZO 6

Fundisisa ikondlo elandelako bese uphendula imibuzo.

#### Umona – MS Ntuli

1 Nguhliziyokul' umafela-ngendeni,  
2 Sihlub' abany'iimpiko  
3 Angazenzeli yena.  
4 Ngumarhudul' amehlwa' abomvu;  
5 Wamalangab' atjhisa kutjhisa,  
6 Abe makhaza kumakhaza.

7 Ngunyawo liphapha phezulu,  
8 Nguhloko sithaya phasi.

9 Nguhliziyo silal' emini, sivuk' ebusuku;  
10 Sirhulurhulu sirhuluphel' umnyama,  
11 Uphetjhuwa mmoya,  
12 Urhurhulwa mamanzi;  
13 Upheka kuphakululwa, uphakulula kuphekwa.  
14 Akwenzako kwaziwa nguye, umona.

- 6.1 Hlathulula bonyana usuke anjani umuntu lo nakuthiwa unehliziyo ekulu? (2)
- 6.2 Dzubhula umutjho otjhoko bona umuntu okukhulunywa ngaye lo akabelani nabanye ngento ayenzako. (1½)
- 6.3 Tlola isithombe-ngqondo esimumethwe yindima ye-10, uhlathulule nokuthi kubayini uthi ngilesosithombe-ngqondo. (2)
- 6.4 Ngokubona kwakho kubayini imbongi ikhethe isithombe-ngqondo esiku-6.3, ngehla? (2)
- 6.5 Ngokuya ngokwekondlo engehla, hlathulula umqondo omumethwe mumutjho ngamunye kile elandelako:
- 6.5.1 Uphetjhulwa mmoya. (2)
- 6.5.2 Upheka kuphakululwa, uphakulula kuphekwa. (2)
- 6.6 Tlola ubukondlo obumumethwe mimida elandelako:
- 6.6.1 Umuda we-7 nowo-8 (2)
- 6.6.2 Umuda we-13 (2)
- 6.7 Uyini ummongo-ndaba wekondlo le? (2)
- [17½]

## NOFANA

### UMBUZO 7

Fundisisa ikondlo elandelako bese uphendula imibuzo.

#### Uyangen' umlobokazi – MS Ntuli

- 1 Kwakwakwakwi ...!  
2 Uyangen'umlobokazi,  
3 Unyanyatha njengenwabu;  
4 Ugeje ngezikanokutjho,  
5 Nango weenkom' ezimasongesonge,  
6 Zeempondw' ezilemele futhi.
- 7 Madoda phumani neenkhande,  
8 Nizokuthambel' igugu lomuzi,  
9 Ikwekwez' ekhanya salanga:  
10 Ikwekwezi yomkhanyo wezungu lekosi.  
11 Hlaban' uMafunazoke  
12 Ikomo kababa yesiko, angene.

- 13 Mfaz' eenyawo' ezimabatha  
14 Suke! ukutunatuna njengonombhenyani,  
15 Uhlangel' ukuphuma kwelanga:  
16 Ulis' ukufuthwa yintuthu  
17 Ing' ungumaqubutjhwana  
18 Ing' awunakhenomkhulu, likhona.
- 19 Bamangel' abathi bayayazi;  
20 Babasith' umend' awukho,  
21 Bathi; akayikuwubona.  
22 Nang' umlobokazi' angena!  
23 Ungen' anyanyatha njengenwabu,  
24 Ungen' agubuzele njengogubudu
- 25 Kwakwakwakwi ...!  
26 Nomaphelaphelana yelusa  
27 Ilimu lakh' elimakghwakghwa,  
28 Libophe lingangeni nomlobokazi.  
29 Makhelwana khalim'ihliziywakho,  
30 Ulis'ukuhlolahlola ngombundwana.
- 31 Uyangen' umlobokazi;  
32 Nosokana thanyela,  
33 Ungalis' iinzibi zibuthene  
34 Emva komnyango nga  
35 Zihlekis' abayeni zinganamazinyo.  
36 Uyangen' umma ...  
37 Nosokana ningabang' ubudala.

- 7.1 Hlathulula lokho okutjiwo yikondlo. Ipendulwakho ayibe mimida  
EMITHATHU. (6)
- 7.2 Tlola iinthombe-ngqondo ezimumethwe mimida elandelako.
- 7.2.1 Unyanyatha njengenwabu. (1)
- 7.2.1 Ikwekwezi ekhanya salanga. (1)
- 7.3 Dzubhula iindima EZIMBILI ezihlathulula bonyana abantu bebathi umlobokazi  
angeze enda. (2)
- 7.4 Ingabe imbongi ikhuluma ngabobani naysithi:
- Bamangel' abathi bayazazi. (2)
- 7.5 Dzubhula umutjho ositjelako bona uyathandwa lomlobokazi. (2)
- 7.6 Kubayini umakhelwana kumele akhalime ihliziywakhe? (2)

- 7.7 Umuda ongenzasi umumethe buphi ubukondlo?  
Ikomo kababa yesiko, angene. (½)
- 7.8 Ingabe imbongi beyisebujameni obunjani nayitlola ikondlo le? (1)  
[17½]

## NOFANA

### UMBUZO 8

Fundisisa ikondlo elandelako bese uphendula imibuzo.

#### Erholweni lakonomtjherhelo – MS Ntuli

- 1 Kwasabalala kwarhatjheka neenqwebu,
- 2 Kwasala irubhi labezimu;
- 3 UNzunza wazifihla ngeliba lendlala,
- 4 UNdala wala ukubona,
- 5 Walikhomba liphezu kwefokotho;
- 6 Wabona i-Apholo II,
- 7 Isehla njengekwekwezi ewako,
- 8 Ingwe yamfunza, waveza ifihlo.
- 9 Ingwe ebesele iphe uNzunza umhlana,
- 10 Yatjhugulukela koNomtjherhelo,
- 11 Yabutha amakhakhazela
- 12 Ingakayeleli bona azakutlhurha,
- 13 Imirabho idzimelele kwaMhlanga:
- 14 Ndebele buthwa nesakho!

- 8.1 Ngeyesingaki i-Aphollo ekukhulunywa ngayo ekondlweni engehla? (½)
- 8.2 Tlola bona imida elandelako imumethe ziphi iinthombe-ngqondo.
- 8.2.1 Isehla njengekwekwezi. (1)
- 8.2.2 Ingwe yamfunza, waveza ifihlo. (1)
- 8.3 Tlola iimbonelo EZINE zevumelwano-thoma etholakala ekondlweni engehla. (4)
- 8.4 Ngiliphi igama eleqiweko emdeni wesi-5 ekondlweni engehla? (1)
- 8.5 Litjho ukuthini igama elithalelweko ekondlweni engehla? (2)
- 8.6 Dzubhula elinye igama elitjho ukumila elisekondlweni. (1)

- 8.7 Akhe uhlathulule bona umtlozi bekanqophe ukuthini ngemida elandelako:
- 8.7.1 Ingwe yamfunza, waveza ifihlo. (2)
- 8.7.2 Ingwe ebesele iphe uNzunza umhlana. (2)
- 8.8 Ngemida EMITHATHU tlola uveze okutjhiwo yikondlo. (3)  
[17½]

**IMITLOMELO YESIGABA C: 35**  
**INANI LOKE: 70**